



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LESITSATFU (P3)

INDLOVANA/INDLOVULENKHULU 2017

IMEMORANDAMU

EMAMAKI: 100

Lememorandamu inemakhasi la-12.

SIGABA A: INDZABA**IMIBUTO 1: KUBHALWA KWENDZABA (340–390 emagama) (50 emamaki)**

CAPHELA: Kuyo yonkhe imibhalo cikelela linani lemagama lelimisiwe. Indzaba lephatselene nesitfombe ifakwe sihloko.

1.1 *Lowo mcimbi wasishiya simangele.*

LUHLOBO LWENDZABA: INDZABA LELANDZISAKO**LOKUBALULEKILE:**

- Sakhiwo sendzaba kumele sivete singeniso, umtimba nesiphetfo.
- Endzabeni lelandzisako kumele kucikelelwe kutsi kubhalwa ngesikhatsi lesengca ngobe ilandzisa ngalokwenteka kulowo mcimbi lowabashiya bangenamlomo.
- Caphela kutsi indzaba ikhuluma ngalokwenteka kulowo mcimbi lokwenta kutsi basale bamangele.

1.2 *Tintfo letinhle/letimbi letentiwa bafundzi bemabanga laphakeme tiyajabulisa/ tiyefusa.*

LUHLOBO LWENDZABA: INDZABA LECHAZAKO**LOKUBALULEKILE:**

- Sakhiwo sendzaba kumele sivete singeniso, umtimba nesiphetfo.
- Indzaba lechazako kumele icikelele kutsi ichaza intfo lekhona lebonwa nguwo wonkhe umuntfu. Intfo lechazwako kumele ivetwe sitfombe sayo ngalokusobala kuleto tetsamelilwati tembhali.
- Caphela kutsi indzaba ichaza ngetintfo letinhle/letimbi letentiwa bafundzi bemabanga laphakeme letijabulisako/letetfusako. Sib. Lokuhle: Kuhlunipha imiyalo yabothishela babo/Kwenta umsebenti wabo ngekwetsembeka/ Kuphumelela ngemalengiso etifundweni tabo, njll. Lokubi: Kudla tidzakamiva/Kuphatsa tilimato/Kuhlukumetana, njll.)
- Lenzaba isebentisa sikhatsi sanyalo nalesengca.

1.3 *Umbono wemhlolewa ngekuhlalelana kwetikolo netindzawo letitsengisa tjwala.*

LUHLOBO LWENDZABA: INDZABA LEVETA UMBONO WEMBHALI/ HLANGOTSILUNYE**LOKUBALULEKILE:**

- Sakhiwo sendzaba kumele sivete singeniso, umtimba nesiphetfo.
- Bahlolwa kumele bakhethse luhlangotsi lunye bangagudluki kulo endzabeni yonkhe. (Baveta umbono wabo ngekuhlalelana kwetikolo netindzawo letitsengisa tjwala.)
- Caphela kutsi indzaba iveta luhlangotsi lolukhetfwe ngumhlolewa, ingakhulumi ngako kokubili. Kutsi kuyinkinga/akusiyo inkinga kuhlalelana kwetikolo netindzawo letitsengisa tjwala.
- Lenzaba isebentisa sikhatsi lesengcile, sanyalo nesikhatsi lesitako.

- 1.4 *Buhle nebubi bekusetjentiswa kwemishini leyenta imisebenti lebeyentiwa ngetandla tebantfu.*

LUHLOBO LWENDZABA: INDZABA LENHLANGOTSIMBILIMBACAMBILI/LEVETA SIMO NJENGOBE SINJALO.

LOKUBALULEKILE:

- Sakhiwo sendzaba kumele sivete singeniso, umtimba nesiphetfo.
- Kuloluhlobo lwenzaba bahlolwa kumele bavete bubu buhle besihloko, totimbili tinhlangothi.
- Caphela kutsi indzaba iveta lokuhle ngekusetjentiswa kwemishini ibuye ivete nebubi baloko. Sib. Buhle: Konga sikhatsi/Kunciphisa tindleko tekuholela/Kunciphisa kucabana, njll. Bubi: Kuphela kwematfuba emisebenti/Kwandzisa buvila, njll.
- Lenzaba isebentisa sikhatsi lesengcile, sanyalo nesikhatsi lesitako.

- 1.5 *Kusuka endzaweni lebhenghlala kuyo kuyintjintje kakhulu imphilo yami.*

LUHLOBO LWENDZABA: INDZABA LEBALISA NGEMPHILONCHANTI YEMBHALI.

LOKUBALULEKILE:

- Sakhiwo sendzaba kumele sivete singeniso, umtimba nesiphetfo.
- Kuloluhlobo lwenzaba umbhali ubalisa ngato tonkhe tintfo letintjintjile emphilweni yakhe ngenca yekusuka endzaweni lebekahlala kuyo. Emaphuzu lasenzabeni akavete simo semphilo yakhe asahlala kulenzawo (lesibi nobe lesihle) abuye avete nalapho seyintjintje khona, netintfo letiyintjintjile endzaweni lensha lasahlala kuyo.
- Lenzaba isebentisa sikhatsi lesengcile nesikhatsi sanyalo.

- 1.6 1.6.1 *Indzaba lephatselene nesitfombe.*

LUHLOBO LWENDZABA: INGATSATSA NOBE NGULUPHI LUHLOBO LWENDZABA KULETI LETINGENHLA.

LOKUBALULEKILE:

- Sakhiwo sendzaba kumele sivete singeniso, umtimba nesiphetfo.
- Bahlolwa kumele babe nemaphuzu lesekelako lahambisana nesitfombe, bangagudluki kuso.
- Tihloko titaweHLuka. Sib. Buhle nebubi bekufuya/Lubisi luyimphilo/Impphilo yasemapulasini/Bunandzi bekusenga, njll.

1.6.2 *Indzaba lephatselene nesitfombe.*

LUHLOBO LWENDZABA: INGATSATSA NOBE NGULUPHI
LUHLOBO LWENDZABA KULETI
LETINGENHLA.

LOKUBALULEKILE:

- Sakhiwo sendzaba kumele sivete singeniso, umtimba nesiphetho.
- Bahlolwa kumele babe nemaphuzu levakalako lahambelana nesitfombe, bangagudluki kuso.
- Tihloko titawehluka. Sib. Tihlabani/Bunandzi bekuphumelela/Kutimisela kulokwentako/Ekugcineni ngahlabana! njll.

1.6.3 *Indzaba lephatselene nesitfombe.*

LUHLOBO LWENDZABA: INGATSATSA NOBE NGULUPHI
LUHLOBO LWENDZABA KULETI
LETINGENHLA.

LOKUBALULEKILE:

- Sakhiwo sendzaba kumele sivete singeniso, umtimba nesiphetho.
- Bahlolwa kumele babe nemaphuzu lovakalako lahambelana nesitfombe, bangagudluki kuso.
- Tihloko titawehluka. Sib. Umsebenti wekukhenika/Konakalelwa yimoti endleleni/Tifundvo tekukhenika timoti, njll.

CAPHELA: KWABIWA KWEMAMAKI: (BONA IRUBHRIKI)

SAMBA SESIGABA A: 50

SIGABA B: EMATHEKSTHI EMIBHALOMBIKO**IMIBUTO 2: IMIBHALOMBIKO (100–120 emagama) (50 emamaki)****2.1 INCWADZI YEBUNGANI****SAKHIWO:**

- Likheli linye leliphелеle.
- Kweciwa umugca embikwesibingelelo.
- Sibingelelo sencwadzi. (Sibingelelo kufanele sivete buhlobo lobukhona emkhatsini walobhalako nalobhalelwako).
- Kweciwa umugca embikwesingeniso.
- Singeniso lesetfula loko lekutawucocwa ngako.
- Kweciwa umugca emva kwaleyo naleyo ndzima.
- Tindzima letinemicondvo lebumbene.
- Kweciwa umugca embikwesiphetho.
- Siphetho lesisonga loko lebekucocwa ngako emtimbeni wencwadzi.
- Kweciwa umugca embikwekuvalelisa.
- Kuvalelisa lokuhambelana nesibingelelo. (Sivaleliso kufanele sivete buhlobo lobukhona emkhatsini walobhalako nalobhalelwako).
- Sibongo asifakwa.

LOKUBALULEKILE:

- Kusetjentiswa irejista lefanele. Malume/Mntungwa, njll
- Kucikelelwa kusetjentiswa kwelulwimi ngalokujulile. Sib. Umntfwana longakhali ufela embelekweni/Tandla tiyagezana, njll.
- Incwadzi ayicele malume wemhlolwa kutsi asite ngetimali tekwenta lidzilisimangaliso.

CAPHELA: Kwabiwa kwemamaki: (Bona irubhriki)**2.2 UMLANDVOMUFI****SAKHIWO**

- Sihloko semlandvomufi.
- Ligama nesibongo semufi.
- Lusuku latelwe ngalo nelusuku lashone ngalo.
- Batali bakhe.
- Wesingaki ekhaya ngekutalwa.
- Indzawo latalelwe kuyo nalashonele kuyo.
- Imfundvo yakhe.
- Umndeni wakhe lawushiya emhlabeni.
- Emavi ekumvaelisa. (Sib. Lala ngekuthula/tinanatelo temufi njll.)

LOKUBALULEKILE:

- Kusetjentiswa irejista lefanele. Sib. Usishiye esikhundleni sekutsi ufe/ utawubekwa esikhundleni sekutsi utawungcwatjwa.
- Kucikelelwa kusetjentiswa kwelulwimi ngalokujulile. Sib. Akalale ngekuthula/Mhlaba awunoni, njll.
- Umlandvomufi awukhulume ngekushona kwemntfwana wamakhelwane loyintsanga yakho.

CAPHELA: Kwabiwa kwemamaki: (Bona irubhriki)**2.3 I-ATHIKHELI YELIPHEPHANDZABA****SAKHIWO:**

- Inesingeniso, umtimba nesiphetho.
- Sihloko se-athikheli (Asihambisane nekwekhuta umkhuba wekuyekela sikolo sikhatsi singakefiki kanye nekukhutsata ngekubaluleka kwemfundvo).
- Ibhawwe ngubani.
- Ligama leliphaphandzaba leya kulo (Sib. Tikhatsi).
- Lokucuketfwe (Kwekhuta umkhuba wekuyekela sikolo sikhatsi singakefiki kanye nekukhutsata ngekubaluleka kwemfundvo).
- Ibhawwa ngetindzima nobe ngemaphuzu.
- Ingasebentisa emafonti lehlukahlukene.
- Tincomo.

LOKUBALULEKILE:

- Lulwimi luhlelekile.
- Kusetjentiswa irejista lefanele. Sib. Tehluleki/Bondzingasitsebene, njll.
- Kucikelelwa kusetjentiswa kwelulwimi ngalokujulile. Sib. Imfundvo sikhali salomuhla/Kudzilita sidleke sabomanyovu, njll.
- Caphela kutsi i-athikheli iphatselene nekwekhuta umkhuba wekuyekela sikolo sikhatsi singakefiki kanye nekukhutsata ngekubaluleka kwemfundvo.

CAPHELA: Kwabiwa kwemamaki: (Bona irubhriki)**2.4 INKHULUMISWANO/INKHULUMOMPHENDVULWANO****SAKHIWO:**

- Luhlaka: Emagama alabakhulumako abhalwa ngasesandleni sesancele bese kufakwa ikholoni/Bokhulunyiwe abafakwa/Lokwentekako kubhalwa kubakaki.
- Kusetjentiswa inkhulumongco.

LOKUBALULEKILE:

- Kusetjentiswa irejista lefanele. Sib. Mnumzane esikhundleni saMagezempompini/Sipho esikhundleni saNhlokonkhulu, njll.
- Kucikelelwa kusetjentiswa kwelulwimi ngalokujulile. Sib. Maluju/Ayidle itishiyele, njll.
- Akube ngumshayeli wetekisi nemnakenu.
- Akukhulunywe ngekushiywa sikhatsi sekuya esikolweni.

CAPHELA: Kwabiwa kwemamaki: (Bona irubhriki)**2.5 LUHLELO LWEMHLANGANO NEMAMINITHI****SAKHIWO:****I-AJENDA**

- Lusuku, indzawo nesikhatsi lekutawuhlanganwa ngaso.
- Ifaka tihlokwana lekutawukhulunywa ngato emhlanganweni.
- Iba ngumsuka wekubhalwa kwemaminithi.
- Inika litfuba lekwengeta lokungakhulunywa ngako emhlanganweni.
- Kufanele ihambisane nemaminithi emhlangano.

EMAMINITHI

- Ahambisana ne-ajenda futsi asuselwa kuyo.
- Tihlokwana letise-ajendeni tibuye tivele futsi tilandzelwe njengoba tinjalo emaminithini.
- Tincumo letitsetfwe emhlanganweni.
- Lamaminithi asebentisa sikhatsi lesengca.

LOKUBALULEKILE:

- Kusetjentiswa irejista lefanele. Sib. Umphatsisikolo/Thishelakati/Labeswele, njll.
- Kucikelelwa kusetjentiswa kwelulwimi ngalokujulile. Sib. Kufaka sandla/Kushaya tandla, njll.
- Akube likomidi letekukhibika nekutijabulisa lelichuba lomhlangano.
- Akukhulunywe ngetindlela letitawusetjentiswa kwakha sikhwama setimali tekusita labo labeswele kutsi bakhone kukhokhela tindleko tesikolo.

CAPHELA: Kwabiwa kwemamaki: (Bona irubhriki)

2.6 INCWADZI LEHLELEKILE

SAKHIWO:

- Emakheli aba mabili.
- Likheli lesibili lifakwa sikhundla salobhalelwako ekucaleni.
- Kweciwa umugca embikwesibingelelo.
- Sibingelelo sencwadzi. (Sibingelelo kufanele sivete bulili balobhalelwako, sib. Mnumzane/Nkhosatana/Nkhosikati).
- Kweciwa umugca emva kwesibingelelo.
- Sihloko sendzaba lekukhulunywa ngayo.
- Kweciwa umugca emva kwesihloko.
- Iba nesingeniso, umtimba nesiphetho.
- Singeniso lesetfula loko lekutawucocwa ngako.
- Kweciwa umugca emva kwaleyo naleyo ndzima.
- Tindzima letinemicondvo lebumbene.
- Kweciwa umugca embikwesiphetho.
- Siphetho lesisonga loko lebekucocwa ngako emtimbeni wencwadzi.
- Kweciwa umugca embikwekuvalelisa.
- Kuvalelisa lokutifobako lokuhambelana nesibingelelo. (Sib. Ngimi lotifobako).
- Sibongo siyafakwa.

LOKUBALULEKILE:

- Kusetjentiswa irejista lefanele. Sib. Mphatsisikhungo/Mnumzane/Lotifobako, njll.
- Kucikelelwa kusetjentiswa kwelulwimi ngalokujulile. Sib. Matfoti/Umntfwana longakhali ufela embelekweni, njll.
- Incwadzi ayatise umphatsi wenzawo yekutivocavoca ngekulahleka kweliwashi nekucela kubonelelwa.

CAPHELA: Kwabiwa kwemamaki: (Bona irubhriki)

SAMBA SESIGABA B: (2 x 25) 50
SAMBA SAKO KONKHE: 100

CAPHELA:

- Sebentisa irubhriki njalo nawumaka indzaba (Liphepha le-3, SIGABA A).
- Emamaki lasukela ku-0–50 ehlukaniwe ngemazinga lasihlanu-(5) etinchazelo temakhono, (Emalengiso, Licophelo lelisetulu, Lokwenetisako, Lokusacatfuta naLokungaphumelelisi).
- Kuletimphawu taLokucuketfwe, Lulwimi neSitayela, letinchazelo temakhono letisihlanu tehlukaniwe ngekwelizinga lelisetulu ngalokubabatekako nelizinga lelisetulu ngalokungababateki, ngekwehlukana kwemamaki netinchazelo temakhono.
- Sakhiwo sona asitsintseki ngalokwehlukaniwa kwelizinga lelisetulu ngalokubabatekako nelinelizinga lelisetulu ngalokungababateki.

IRUBHRIKI YEKUHLOLAINDZABA YELULWIMI LWASEKHAYA [50 EMAMAKI]

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE NEKUHLELA (Imphendvulo nemibono) Kuhleleka kwemibono nakulungiselelwa kubhala Kucikelelwa kwenhloso, tetsamelilwati nesimongcondvo 30 EMAMAKI	Lizinga lelisetulu ngalokubabatekako	28–30	22–24	16–18	10–12	4–6
		-Imphendvulo lengemalengiso lababateka ngetulu kwalokulindzelekile -Imibono ivutsiwe, inekuhlakanipha, lokukhombisa kucabanga lokujulile -Kuhleleka kungemalengiso lababatekako, kubumbene nesingeniso, umtimba kanye nesiphetho	-Imphendvulo lesecophelweni lelisetulu ngalokubabatekako -Imibono ivutsiwe, iyahahe ihambisana nesihloko ngalokuphelele -Kuhleleka kusecophelweni lelisetulu kakhulu, lokubumbene nesingeniso, umtimba nesiphetho	-Imphendvulo leyenetisako -Imibono ibumbene futsi ikholweka ngalokwenetisako -Kuhleleka kubumbene nesingeniso, umtimba nesiphetho ngalokwenetisako	-Imphendvulo lengakabumbani -Imibono ayikacaci kantsi futsi akusiyo yekuticambela -Buncane bufakazi bekuhleleka nekubumbana	-Yonkhe imphendvulo iyanhlanhlatsa -Imibono ihlangahlangene futsi iyadidana, ayikacondzi ngco -Kunekuphindzaphindza lokungevakali -Akukho kuhleleka nekubumbana
	Lizinga lelisetulu ngalokungababateki	25–27	19–21	13–15	7–9	0–3
		-Imphendvulo lengemalengiso kodwa ingenato timphawu tekubabateka -Imibono ivutsiwe futsi ihlakaniphile -Kuhleleka lokungemalengiso, kubumbene nesingeniso, umtimba nesiphetho	-Imphendvulo lesecophelweni lelisetulu -Imibono iyahahe, ihambisana nesihloko -Kuhleleka lokusecophelweni lelisetulu lokubumbene nesingeniso, umtimba nesiphetho	-Imphendvulo leyenetiisako kodwa kukhona lokungevakali kahle -Imibono ibumbene, iyakholweka -Kukhona kuhleleka lokutsite kanye nekubumbana nesingeniso, umtimba nesiphetho	-Imphendvulo legcwele kunhlanhlatsa -Imibono ayihlangani, iyadidana -Abukho bufakazi bekuhleleka nekubumbana	-Awukho namncane umzamo wekuphendvula ngesihloko -Yonkhe imphendvulo iyanhlanhlatsa, ayemukeleki -Akuvakali, kuhlangahlangene

IRUBHRIKI YEKUHLOLAINDZABA YELULWIMI LWASEKHAYA [50 EMAMAKI] (iyachubeka)

Timpawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
LULWIMI, SITAYELA NEKUHLUNGWA KWEMAPHUTSA Kuhambelana kwemoya irejista, sitayela, silulumagama nenhloso nesimongcondvo Kusetjentiswa kwelulwimi, timpawu tekufundza nekubhala, luhlelo, sipelengi (lupelomagama) 15 EMAMAKI	Lizinga lelisetulu ngalokubabatekako	14–15	11–12	8–9	5–6	0–3
		-Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngemalengiso lababatekako -Lulwimi lolunekutetsemba, lolugculisako nalolunemba ngemalengiso lababatekako -Emasu ebugagu belulwimi asetjentiswe ngemphumelelo lenkhulu kuveta umoya nekuheha kwemphendvulo -Esikhatsini lesinyenti kakhulu emaphutsa eluhlelo nesipelengi kute -Kunekuticambela lokungemalengiso lasetulu kakhulu	-Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngelicophelo lelisetulu -Lulwimi lusecophelweni lelisetulu kantsi nemoya uyemukeleka emphendvulweni yonkhe -Emaphutsa eluhlelo nesipelengi akasimanyenti -Kuticambela lokusecophelweni lelisetulu	-Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngalokwenetisako -Lulwimi lusetjentiswe ngalokwenetisako kwetfula lokushiwo embhalweni -Umoya uyenetisa -Emasu ebugagu belulwimi asetjentisiwe kunotsisa lokucuketfwe	-Umoya, irejista, sitayela nesilulumagama akuhambelani nenhloso, tetsamelilwati nesimongcondvo -Kusetjentiswa kwelulwimi kusacatfuta -Umoya nekukhetseka kwemagama akwemukeleki -Silulumagama sincane kakhulu	-Lulwimi aluvakali -Umoya, irejista, sitayela nesilulumagama akuhambelani nakancane nenhloso, tetsamelilwati nesimongcondvo -Silulumagama sincane ngendlela yekutsi lokubhaliwe akungalandzeleki
	Lizinga lelisetulu ngalokungabateki	13	10	7	4	
		-Lulwimi lusetjentiswe ngemalengiso nangalokuveta umoya lokhutsatako ngemphumelelo -Esikhatsini lesinyenti emaphutsa eluhlelo nesipelengi awakho -Kuticambela kungemalengiso	-Lulwimi lusetjentiswe ngemphumelelo lesecophelweni lelisetulu -Umoya uyemukeleka futsi uneligalelo lelemukelekile -Emaphutsa eluhlelo nesipelengi ambalwa -Icambeke kahle	-Lulwimi lusetjentiswe ngalokwenetisako kodwa ngalokungafani embhalweni wonkhe -Imvamisa umoya wemukelekile, emasu ebugagu belulwimi asetjentiswe kancane	-Lulwimi lusetjentiswe ngalokungenetisi -Kusetjentiswa kwetinhlobo letehlukene temisho kuncane/kute -Silulumagama sincane kakhulu	

IRUBHRIKI YEKUHLOLAINDZABA YELULWIMI LWASEKHAYA [50 EMAMAKI] (iyachubeka)

Timpawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
SAKHIWO	5	4	3	2	0–1
Timphawu tetheksthi Kutfufukiswa kwetindzima nekwakhiwa kwemisho	-Sihloko sitfutukiswe ngemalengiso -Imininingwane yetfulwe ngemalengiso -Imisho, netindzima kwakheke ngemalengiso lababatekako	-Imininingwane itfutukiswe ngalokuihlelekile -Kunekubumbana -Imisho, netindzima kuhlelekile futsi kutinhlobonhlobo	-Imininingwane ihambisana nesihloko -Imisho netindzima kwakheke kahle Indzaba iyevakala	-Lamanye emaphuzu emukelekile -Imisho netindzima kunemaphutsa -Indzaba iyevakala noko	-Emaphuzu ladzingekile asilele -Imisho netindzima kunemaphutsa -Indzaba ayinamcondvo
5 EMAMAKI					
KWEHLUKA KWEMAMAKI	43–50	33–40	23–30	13–20	0–10

SIGABA B: EMATHEKSTHI EMIBHALOMBIKO LEMIDZANA (25)**IRUBHRIKI YEKUHLOLA ITHEKSTHI YEMIBHALOMBIKO LOMUDZE WELULWIMI LWASEKHAYA (LIPHEPHA LE-3, SIGABA B & C (25 EMAMAKI))**

Timphawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE, KUHLELA NESAKHIWO	13–15	10–12	7–9	4–6	0–3
Imphendvulo nemibono Kuhleleka kwemibono nakulungiselelwa kubhala Inhloso, tetsamelilwati, timphawu/timiso, nesimongcondvo 15 EMAMAKI	-Imphendvulo lengemalengiso lababatekako -Imibono ivutsiwe, inekuhlakanipha, lokukhombisa kucabanga lokujulile -Lwati lolungemalengiso lwetimpawu teluhlobo lwetheksthi lebhawako -Umbhalo ucondze ngco -Lokucuketfwe kunemibono lebumbene ngemalengiso -Yonkhe imininingwane icaciswe ngemalengiso kantsi futsi yesekela sihloko -Sakhiwo lesifanele lesingemalengiso nalesingenamaphutsa	-Imphendvulo lesecephelweni lelisetulu lekhombisa -Lwati lolusecephelweni lelisetulu lweluhlobo lwetheksthi lebhawako -Umbhalo ucondze ngco – awutsemeleti -Lokucuketfwe kunemibono lebumbene ngelicophelo lelisetulu -Imininingwane yetfulwe ngelicophelo lelisetulu kantsi yonkhe yesekela sihloko -Sakhiwo lesemukelekako lesinemaphutsa langasho lutfo	-Imphendvulo leyenetisako, lekhombisa lwati lweluhlobo lwetheksthi lebhawako -Umbhalo awukacondzi ngco ngalokuphelele, unekutsemeleta lokutsite -Emaphuzu alokucuketfwe abumbene ngalokwenetisako -Leminye imininingwane iyasesekela sihloko -Sakhiwo siyenetisa kodwa sinemaphutsa latsite	-Imphendvulo lecatfutako lekhombisa lwati loluncane lweluhlobo lwetheksthi lebhawako -Umbhalo unekutsemeleta lokunyenti -Kubumbana kwemaphuzu alokucuketfwe kuncane kakhulu -Imbalwa imininingwane leyesekela sihloko -Imitsetfo netimiso letibalulekile tesakhiwo setheksthi atikalandzelwa ngalokufanele -Kunyenti lokubalulekile lokusilele	-Imphendvulo ayikhombisi nakancane kuba nelwati lwetimpawu teluhlobo lwetheksthi lebhawako -Inshokutsi iyanhlanhlatsa, igcwele kutsemeleta lokunyenti -Emaphuzu alokucuketfwe akakabumbani nakancane -Imbalwa kakhulu imininingwane leyesekela sihloko -Imitsetfo netimiso tesakhiwo setheksthi letibalulekile atikalandzelwa nakancane
LULWIMI, SITAYELA NEKUHLUNGWA KWEMAPHUTSA	9–10	7–8	5–6	3–4	0–2
Umoya, irejista, sitayela, inhloso, tetsamelilwati nesimongcondvo Timiso nekusetjentiswa kwelulwimi Kukhetseka kwemagama Timphawu tekufundza nekubhala nesipelingi 10 EMAMAKI	-Umoya, irejista, sitayela nesilulumagama kuhambelana ngemalengiso nenhloso, tetsamelilwati nesimongcondvo -Luhlelo alunamaphutsa kantsi futsi icambeke kahle -Esikhatsini lesinyenti akunamaphutsa	-Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngelicophelo lelisetulu -Luhlelo luvame kungabi nemaphutsa kantsi futsi umbhalo ucambeke ngelicophelo lelisetulu -Silulumagama sisecophelweni lelisetulu -Emaphutsa ambalwa kakhulu	-Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngalokwenetisako -Kunemaphutsa latsite eluhlelo -Silulumagama lesenetisako -Emaphutsa akayiphazamisi inshokutsi	-Umoya, irejista, sitayela nesilulumagama akuhambelani kahle nenhloso, tetsamelilwati nesimongcondvo -Kunemaphutsa lamanyenti eluhlelo -Silulumagama sincane kakhulu -Inshokutsi iyaphazamiseka	-Umoya, irejista, sitayela nesilulumagama akuhambelani nakancane nenhloso, tetsamelilwati nesimongcondvo -Kugcwele emaphutsa lamanyenti ladijanako -Silulumagama asihambisani nakancane nenhloso -Inshokutsi ihlangahlangene kakhulu
KWEHLUKA KWEMAMAKI	22–25	17–20	12–15	7–10	0–5